

(ciep geiz gonq)

Ausam mbon daeh ra cienzlingz hawj mehmbwk. Mehmbwk ciep aeu seiq maenz ngaenz oet roengz ndaw daeh bae le, daj ndaw daeh dawz ok song mbaw 10 maenz caeuq mbaw 50 maenz ndaw fwngz cungj ndenq hawj Ausam, gangjriu naeuz: “Duzmax gya gyaeq miz rengz, lwg’ eng gwn ndok maj ndang, gwn sat le caiq daeuj caeuq gou aeu gyaeq bw.” Ausam riu naeuz: “Va reuq rwed raemx caiq mbouj hoengz, goenggeq gou gwn lai hix fouz yungh lo.”

Song boux miz gangj miz riu, Ausam ciep aeu ngaenz yawj hix mbouj yawj couh byaij deuz lo.

Daengngoenz gaenq venj daengz dingj gyaеuj, ndaw ranz lij miz hong aeu guh, Ausam dajsuenq gwn vanj faenj he couh dauqbae, de byaij haeuj diemqfaenj, raen boux gai faenj cingq caengh faenj, de heuh bouxcawj gai faenj bang de caengh yawj gij gyaеq de ngamq cawx haenx doh mbouj doh caengh.

“Sam gaen roek cangz.” Boux–

sawcuenb diqj



□ Lingz Siuyangh/凌秀香

gaifaenj naeuz.

“Mbwn ha!” Mehmbwk haenx gwn gou seiq cangz huq lo! Ced meh de! Ausam heiq dwk naj nding bae.

Ausam dajsuenq gwn faenj le couh bae ra mehmbwk haenx suenqsoq, de daj ndaw daeh mbon ngaenz hawj bouxgaifaenj seiz, raen

ndaw daeh miz 70 maenz ngaenz, de geiq ndaej gig cingcuj, haetneix ok dou seiz de cij daiq mbaw 50 maenz ndeu, seizneix ndaw daeh baenzlawz lij miz mbaw 50 ne? Ausam geizheih dwk sim diuqboebboeb, lumjbaenz guhcaeg nei. Doeklaeng, Ausam naemj gvaqdaеuj lo, mbaw 50 maenz neix dwg mehmbwk haxbaenh dang guh

mbaw 10 maenz bouj hawj de lo. Ausam ndawsim caegcaeg angq naeuz: “Boux vunz sim mbouj cingq, mingh hix mbouj nyiengh ha, raen aenviz mwngz lwi?” Ausam gietdingh mbouj caiq bae ra mehmbwk.

Haeuj dou ranz le, Ausam naengh roengz sahfaz bae, hai gaemxgienz, gij cienz mehmbwk bouj dauq haenx deng de gaem ndaej nyaеuqyatyat, seizhaenx dwg seizdoeng, gyang fwngz de lij miz di hanh, de gag riu swheij naeuz: “Mbouj caeg mbouj ciengj, gou vueng gijmaz ni? Caen dwg bouxbag!”

Ausam nyaenx mbouj ndaej, gag riunyumj hwnjdaеuj. De dawz mbaw ngaenz 50 haenx rub ha rub ha …… Sawqmwh, de nyinhdaengz gij cienz neix miz di ndat fwngz, yied rub yied ndat .

“Mehmbwk guh gaicawx hix mbouj yungzheih ha, gou baenzlawz yienghneix dam ne, wnggai doiq dauq hawj de.” Naenj daengz neix, Ausam lumltw ndwn hwnjdaеuj, dawz ngaenz bae doiq hawj mehmbwk haenx…… (sat)

Gvaq Cieng Angqfwngfwng 兴高采烈过新年

□ Suh Dasingh /苏大星

Bi’ ndwen lumj raemx lae
Doeng gvaqbae cin daeuj
Raeuz gvaq cieng sim raeuj
Gwn laeuj le ngonz heiq

Byaij gvaq bilungz ma
Saedcej gvaq ndaej vaiq
Dangj hai Cibbet Daih
Seiqgyaiq hix yawj ndei

Byaij seveicujyi
Miz Cungguck daegsaek
Gaijgwz yied haeujlaeg
Gaihfang naek guек giengz


Cwngzcinva gensez
Gunghyezva hwnj mbaek
Canjbinj caen oksaek
Cizlieng daegbied ndei

Haeuxgwn canjlieng fouq
Laebdaeb gouj bi maj
Raeuz byaij mbouj dingz ga
Bibi ma ndaej laux

Bo loeg raemx youh heu
Seiqhenz seuq youh cingh
Lajmbanj caeuq ndawsingz
Caez vwnzmingz gyaеundei

Hagsib Cibbet Daih
Dingq baihgwnz senhconz
Ndaej swliu daeuj ngonz
Sim an’ onj bae guh

Cibbet Daih cingsaenz
Aeu guh baenz siujgangh
Diuzloh baihnaj gvangq
Hwnj mbaeksang fouqmix



Siuq

Dahnaz ingj

Gaijgwz aeu haeujlaeg
Gaihfang yaek mbe’ gvangq
Riengz gaenj Dangjcunghyangh
Vuenyungz rangh ndaej raez

Gvaq cieng ciengq Heiquengh
Beixnuengx caemh angqyangz
Coenzheiq caez danq dangj
Coh siujgangh bae nyaemz

De gujli gyoengq nuengxsai de aeu baengh rengz ndanggaeuq bae gaijbienq gwndaenj gungzhoj haenx, gauq ndanggaeuq guh hong gvaq ndwenngoenz, hoeng gyoengqde miz hojnanz ne de hix bang. Dauqma Guengjsae guh hong le, de doiq maexyah naeuz: “Gou lij lw geij boux nuengx neix ndwi lo, gyoengqde gwndaenj miz hojnanz, raeuz yaek rap hwnjdaеuj”. Geij boux nuengxsai de mwh lij iq bohmeu couh gvaqciuh lo, daj iq couh souh hoj, maexyah roxyiuj gij simcingz de dang go’ daih aeu ciuqgoq nuengxiq haenx, bibi cungj geiq ngaenz dauqranz, bang gyoengqde gyau ngaenzhaeuqliengz guh goengfaen mbouj gaeuq haenx, bang lwg beixnuengx gyau ngaenzzag, hawj biuqbaengz hawj gyoengqde cawx

baengz guh buhvaq. Bungz daengz vunzcaen baenzbingh bae yw, coihguh ranzyouq, cawx cwzvaiz daengj, lij aeu linghvaih geiq ngaenz ne. De miz boux lan he ga deng raek youq 303 Yihyen yw, yihyen lingjdaу naemj daengz ranz nuengx Veiz Gozcingh hojndoq lai, dawz bit ngaenzyw neix dangguh yw bouxbing bouxsieng ndaw budui siu bae lo. Veiz Gozcingh rox le bihbingz

boux lingjdaу neix, youh gag gyau ngaenzyw caez bae. Gienh saeh neix gvaq le, de youh caz rox, boux lan de youq ndaw Yen Yihyen yw ga seiz, yiemq bit ngaenzyw ndeu hix youz ndaw yienh bausiuh gvaq, de cix ciuqsoq geiq ngaenz bae boiz hawj ndaw yienh.

Ranz geij boux nuengx de gig gaeuq, ndaw ranz hoengqngaungau, cij

miz geij yiengh doxgaiq mbouj dijcienz caeuq hongdawz ndwi. Byawz ndaej ngeix daengz, boux cienghginh ndaw guек rog guек cungj okcoh neix, boux gaem gienz dangj, cwng, ginh Guengjsae, youh dwg bouxdaeuz ceiq hung haenx, ranzgeq de hojndoq baenzneix. Vunz yawj daengz neix, bouxlawz mbouj gamjdoengh ne!

(caengz sat)

Veiz Gozcingh Sangcieng Cawj– guenj Guengjsae Ngeihcib Bi 韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz